

班固全集 (漢)

簡 介

班固 (32~92)，東漢辭賦家、史學家。字孟堅，扶風安陵（今陝西咸陽）人。年少時，就能屬文，16歲入洛陽太學。又性情寬和謙讓，因此深為當時儒者所欽重。其父班彪是當時著名學者，曾作《史記後傳》65篇，補寫《史記》以後西漢的歷史。班彪死後，他想要補完全書，後有人告發他私改國史，捕入京兆獄。其弟班超上書辯解，獲釋，漢明帝很讚賞班固的才能，召為蘭台令史，轉遷為郎，典校秘書。自明帝永平中奉詔修史，經過多年努力，于章帝建初七年(82)，基本完成《漢書》的寫作。章帝時，班

固任玄武司馬。建初四年(79)帝詔諸王、諸儒集合于白虎觀講論五經異同，令班固撰集其事，纂成《白虎通義》。和帝永元元年(89)，隨大將軍竇憲征匈奴，為中護軍。憲

驕橫獲罪，班固被牽連入獄，死於獄中。班固是東漢前期最著名的辭賦家，著有《兩都賦》、《答賓戲》、《幽通賦》等。《隋書·經籍志》有《班固集》17卷。已散佚；明代張溥輯有《班蘭台集》。

明堂詩 辟雍詩 靈台詩 寶鼎詩 白雉詩 論功歌詩 詠史詩二首 幽通賦

於昭明堂。明堂孔陽。聖皇宗祀。穆穆煌煌。上帝宴饗。五位時序。誰其配之。世祖光武。普天率土。各以其職。猗歟緝熙。允懷多福。

辟雍詩

乃流辟雍。辟雍湯湯。聖皇蒞止。造舟為梁。皤皤國老。乃父乃兄。抑抑威儀。孝友光明。於赫太上。示我漢行。洪化惟神。永觀厥成。

靈台詩

乃經靈台。靈台既崇。帝勤時登。爰考休征。三光宣精。五行布序。習習祥風。祁祁甘雨。百穀蓁蓁。庶草蕃廡。屢惟豐年。于皇樂胥。

寶鼎詩

岳修貢兮川效珍。吐金景兮歆浮雲。寶鼎見兮色紛緼。煥其炳兮被龍文。登祖廟兮享聖神。昭靈德兮彌億年。

白雉詩

啟靈篇兮披瑞圖。獲白雉兮效素烏。嘉祥阜兮集皇都。發皓羽兮奮翹英。容潔朗兮於純精。彰皇德兮侔周成。永延長兮膺天慶。

論功歌詩

一

因露寢兮產靈芝。象三德兮瑞應圖。延壽命兮光此都。配上帝兮象太微。參日月兮揚光輝。

二

後土化育兮四時行。修靈液養兮元氣覆。冬同雲兮春霖霖。膏澤洽兮殖嘉穀。

詠史

三王德彌薄。惟後用肉刑。太蒼令有罪。就遞長安城。自恨身無子。困急獨兢兢。小女痛父言。死者不可生。上書詣闕下。思古歌雞鳴。憂心摧折裂。晨風揚激聲。聖漢孝文帝。惻然感至情。百男何憤憤。不如一緹縈。

詩二首

一

長安何紛紛。詔葬霍將軍。刺繡被百領。縣官給衣衾。

二

寶劍值千金。指之幹樹枝。

系高頊之玄胄兮，氏中葉之炳靈。飄飄風而蟬蛻兮，雄朔野以揚聲。皇十紀而鴻漸兮，有羽儀於上京。巨滔天而泯夏兮，考邁潛以行謠。終保己而貽則兮，裏上仁之所廬。懿前烈之純淑兮，窮與達其必濟。咨孤蒙之眇眇兮，將圯絕而罔階。豈餘身之足殉兮，違世業之可懷。靖潛處以永思兮，經日月而彌遠。匪黨人之敢拾兮，庶斯言之不玷。

魂兢兢與神交兮，精誠發於宵寐。夢登山而迴眺兮，覲幽人之彷彿。攬葛藟而授餘兮，眷峻穀曰勿墜。吻昕寤而仰思兮，心濛濛猶未察。黃神邈而靡質兮，儀遺識以臆對。曰乘高而臚神兮，道遐通而不迷。葛綿綿於膠木兮，詠南風以為綏。蓋惴惴之臨深兮，乃二雅之所祗。既訊爾以吉象兮，又申之以炯戒。盍孟晉以迨群兮，辰倏忽其不再。

承靈訓其虛徐兮，錡盤桓而且俟。惟天地之無窮兮，鮮生民之晦在。紛屯遭與蹇連兮，何艱多而智寡。上聖迓而後拔兮，雖群黎之所禦。昔衛叔之禦昆兮，昆為

寇而喪予。管彎弧欲斃仇兮，仇作後而成己。變化故而相詭兮，孰雲預其終始！雍造怨而先賞兮，丁繇惠而被戮。粟取吊于適吉兮，王膺慶于所戚。叛回穴其若茲兮，北叟頗識其倚伏。單治裏而外凋兮，張修褊而內逼。聿中和為庶幾兮，顏與冉又不得。溺招路以從己兮，謂孔氏猶未可。安惛惛而不臧兮，卒隕身乎世禍。遊聖門而靡救兮，雖覆醢其何補？固行行其必凶兮，免盜亂為賴道。形氣發於根柢兮，柯葉匯而零茂。恐魍魎之責景兮，羌未得其雲已。

黎淳耀于高辛兮，芟強大于南汜。贏取威于伯儀兮，姜本支乎三趾。既仁得其信然兮，仰天路而同軌。東鄰虐而殲仁兮，王合位乎三五。戎女烈而喪孝兮，伯徂歸於龍虎。發還師以成命兮，重醉行而自耦。震鱗滌于夏庭兮，匝三正而滅姬。巽羽化于宣宮兮，彌五辟而成災。道修長而世短兮，夤冥默而不周。胥仍物而鬼譏兮，乃窮宙而達幽。媯巢姜於孺筮兮，且筭祀於契龜。宣曹興敗於下夢兮，魯衛名諡於銘謠。妣聆呱而劾石兮，許相理而鞠條。道混成而自然兮，術同原而分流。神先心以定命兮，命隨行以消息。幹流遷其不濟兮，故遭罹而羸縮。三轡同於一體兮，雖移易而不忒。洞參差其紛錯兮，斯眾兆之所惑。周賈蕩而貢憤兮，齊死生與禍福。抗爽言以矯情兮，信畏犧而忌鵬。

所貴聖人至論兮，順天性而斷誼。物有欲而不居兮，亦有惡而不避。守孔約而不貳兮，乃輶德而無累。三仁殊於一致兮，夷惠舛而齊聲。木偃息以蕃魏兮，申重繭以存荊。紀焚躬以衛上兮，皓頤志而弗傾。侯草木之區別兮，苟能實其必榮。要沒世而不朽兮，乃先民之所程。觀天網之紘覆兮，實裴謚而相訓。謨先聖之大猷兮，亦鄰德而助信。虞韶美而儀鳳兮，孔忘味於千載。素文信而底麟兮，漢賓祚於異代。精通靈而感物兮，神動氣而入微。養流睇而猿號兮，李虎發而石開。非精誠其焉通兮，苟無實其孰信？操末技猶必然兮，矧耽躬於道真。登孔昊而上下兮，緯群龍之所經。朝貞觀而夕化兮，猶誼己而遺形。若胤彭而偕老兮，訴來哲而通情。

亂曰：天造草昧，立性命兮。複心弘道，惟聖賢兮。渾元運物，流不處兮。保身遺名，民之表兮。舍生取誼，以道用兮。憂傷夭物，忝莫痛兮。皓爾太素，曷渝色兮。尚越其幾，淪神域兮。

全集字數：2,182 字